

НЕНЭЦИЕ" ХАРТО' ИМДО' МЭТА" (АВТОНОМНОЙ) ОКРУГ' Я' НЕНАДУМД СЁ (ГИМН)

2008 похы апрель' 17 толыркана № 19-ОВ'
Ненэцие" автономной округхы
депутат" Собрания ня"амвы

Нюртей статьявна Ненэцие" харто' имдо' мэта" (тяха" автономнойцэ нюмдевы) округ' Вато' Мэбцувна, округхы Ненэй Вато' сер"мана «Я' ненадумд сё» (тяха" гимнцэ нюмдевы), пад"намада, янгэро"мада тэравы, ня"амвы.

1 статья.

Ненэцие" автономной округхы Гимн' сё, Гимн' падвы" вада" сидя приложенияхана танеда" Ненэй Ватовна мэйравы".

2 статья

1. Гимн Ненэцие" автономной округхы Ватом' няд"мяць символцэ, тарана намгэнэ падбэй, Ненэй Ватонзер" янгэбцацэ мэта.

2. Тяхасовна тисьедевы Гимн округхана хусувэй иленя' е"эмня - мэнева сер".

3. Ненэцие" автономной округхы Гимн ненэзьявна падвэ"эмна, ненэвна падбэй сёвна мэта.

4. Ненэцие" автономной округхы Гимн янга оркестрхана, янга хор"цэсь, тамна нобнзер" хорсавэй оркестр мэ"ма мян. Тикы хавна янга мунзавэй, видеопаднасавэй, тамна теле-радиосавэй мэ"ма мян.

3 статья

Ненэцие" автономной округхы Гимн мэць ватода:

1. Ненэцие" автономной округхы Администрациян' Нарка ервнэ, губернаторцэ тэравы, присягамда хэтбэй, манзаяханда таслабэй хибярин';

2. Ненэцие" автономной округхы нюртей Депутат" Сессия' пява мальцгана, тамна пудана Сессия' ёльцева' мальцгана, хусувэй товнда ма"лэяхана;

3. Ненэцие" автономной округхы награда митерпава мальцгана;

4. Ненэцие" автономной округхы флагм' илмбава мальцгана.

4 статья

Ненэцие” автономной округхы Гимн мэць ватода:

1. Памятник”, хэбидя тен нэмбава мальңгана;
2. Теле-радиовна илхана вадета серо мальңгана;
3. Округхана сертамбада” культурной, спортивной тамна ңаниндэз мароприя мальңгана;
4. Ненэцие” автономной округхы Депутат” Сессияндо’ нерцюна, тамна Сессияндо’ ваера”махад , тамна Нарка хэбидя яляха”на, саць нарка” мероприятияха”на;

5 статья

Ненэцие” автономной округхы Гимн Российской Федерация’ Гимн’ пуна мэта.

6 статья

1. Ненэцие” автономной округхы Гимн, Ненэй Вато”омна сертабэйңэсь, нус мэта, хасава хибяри” яңгэрмандо’ мальңгана ңэвато’ се” екабабто’ тара.

2. Ненэцие” автономной Гимнм’ мэ”ма мальңгана, Ненецие” автономной округхы Флагм’ илмбава’ мальңгана яңгэрта” флаг’ няңэн’ сырпато’ тара.

7 статья

Ненэцие” автономной округхы Ненэй Ватовна толабада падарт’ серта”махад, ил’ няю” ңэдара”махад Гимн ненэй ныхыда надиберңа.

Ненэцие” автономной округхы
депутат” Собрания’ Нермпэртя
И.В.КОШИН

Ненэцие” автономной округхы
Администрация’ Ңаркта
В.Н. ПОТАПЕНКО

Няръяна Мар”
2008 похы апрель’ 23 толыр”
№ 19-ОВ

2008 похы апрель' 23 толыркана падвы
№19-ОВ' Ненэцие'' автономной округхы
«Я' ненадумд сё» (Гимн)
Ненэцие'' автономной округхы Ненэй
Ватон' нюртей лабцибтембэй приложения:

**НЕНЭЦИЕ'' АВТОНОМНОЙ ОКРУГХЫ
ГИМН' СЁ
(Татьяна Артемьева' сертавы сё)**

Гимн' сё манэ''лабтяр'' яңгу.

2008 похы апрель' 23 толыркана падвы
№ 19-ОВ' Ненэцие'' автономной округхы
«Я' ненадумд сё» (Гимн)
Ненэцие'' автономной округхы Ненэй
Ватон' нябимдей лабцитембэй приложения:

НЕНЭЦИЕ'' АВТОНОМНОЙ ОКРУГ' Я' НЕНАДУМД СЁ (ГИМН)

Вадида Инга Артеева хэтада, падада. Сёмда Татьяна Артемьева сертада,
Инга Артеева' хари''вадахат ненэй вадан'Роза Канюкова хэтада, падада.

**Царка Россияна'' енабцэй
Округнэсь, сит хынтабива''!
Таңгана мэбета яхана
Цэрмва'' пилибт'' илея!
Мэёвна перена форпоства''-
Российской Державана'' сюдбя.
Мэнена сое''ма яна'' ед
Сава илебцва'' миңая!**

Цэрм яхы маня'' округвов'',
Сямянхат юнета ява'',
Тисьдева саву''ламбадава''
Цоб'' нерня'' вадёдан''.

**Ненэцял, луцарэй, ңызмарэй нод''
Цахэт ивьерэй манзара''.**

**Цобкана мэта Цэрм хардаханов
Хусувэна” мэта яда таянцов.
Ялумбэй Цэрм харпорма серэй
Сейкуна” мал’ нобнзер” ла”нарца”.
Цэрм яхяна хибярир нятнарха,
Цадьбята малмбоё нэрмдерараха”.**

Цэрм яхы маня” округвов,
Сямянхат юнета ява”,
Тисьдева саво”ламбадава”
Цоб” нерня” вадёдан”.

**Тюкона я’ инд”, я’ тебтар нока.
Выңгы тэрэй цобтарем’ цоков.
Халя нямзэхэ”, поңган’ еремга.
Цани тэнз я нянана” ни тара”!
Россияна” енабцнэ мэтанэсь,
Ненэця округ, сит хынотамбивов.
Сюдбя Россияна” енабцнэсь,
Мэнена Цэрмва” тяха” мирнаёв.**

Цэрм яхы маня” округвов,
Сямянхат юнета ява”,
Тисьдева саво”ламбадава”
Цоб” нерня” вадёдан”.